

dimicassent, magno numero conciderunt. Hic mons ille ipse videtur, qui nunc *Bannefdowne* dictus, *Bathstone* viculo juxta hanc urbem impendet, suosque etiamnum aggeres, & vallum ostendit. Scio tamen esse qui in Eboracensi comitatu quærunt, sed Gildas ad hunc locum reducat: legitur enim in manuscripto exemplari Bibliothecæ Cantabrigiæ, ubi agitur de victoria Aurelij Ambrosii, *Vsq; ad annum obsessionis Montis Badonici, qui non procul ab ostio Sabrina habetur.* Sin hoc non persuadeat, sciant vallem quæ ad *Avon* fl. hic longe procurrit, Britannice *Nant Badon*, id est, *Vallis Bandonica* dici, & ubi quærendus *Mons Badonicus*, nisi ad *Vallem Badonicam* ego nondum video. Nec longo post tempore Saxones hanc urbem aggredi ausi, Britannis diu reliquerunt. Verum anno Christi DLXXVII, cum Occiduum Saxonum Rex *Cewalin* Britannos ad *Deorham* profugasset, armis, & operibus oppugnata, se primo in Saxonis fidem permisit: paucisque annis reforta novum nomen *Akmancester*, multumque splendoris accepit. Osbrichus enim anno DCLXXVI, virginibus sacris Monasterium, statimque cum in Merciorum potestatem venisset, *Offa* Rex alterum templum construxit, quæ ambo Danico turbine ceciderunt. Ex horum ruinis novum postea effloruit Templum Divo Petro sacrum, in quo *Eadgarus* cognomento *Pacificus* in Regem inauguratus, urbi plurimas immunitates indulgit, cujus rei memoriam anniversariis ludis cives etiamnum celebrant. Edwardi Confessoris tempore, ut in Angliæ Notitia legitur, *geldabat pro viginti Hidis, quando Scyra geldabat, Ibi Rex habebat LXIII Burgenses, & xxx Burgenses aliorum.* Sed non diuturna fuit hæc foelicitas, statim enim ab ingressu Normannorum *Robertus Mowbray* nepos Episcopi Constantiensis, qui seditionem non levem in Regem *Guilielmum Rufum* concitavit, diripuit & succendit. Respiravit tamen brevi, opera *Joannis de Villula* è Turonibus Galliarum oriundi, qui cum Episcopus esset *Wellensis*, quingentis Marcis (ut habet *Malmesburiensis*) hanc urbem ab *Henrico Primo* mercatus, Episcopalem Cathedralam huc transtulit, retento etiam *Wellensis* Episcopi nomine, novumque templum in suam sedem posuit. Quo non ita pridem ruinam minitante, *Olivarius King* Bathoniensis Episcopus aliud juxta vetustum illud, magno sane & pleno majestatis opere inchoavit, & ad fastigium fere perduxit. Si vero perfecisset, palmam plurimis Angliæ Ecclesiis Cathedralibus proculdubio præripuisset. Sed hanc gloriam immatura mors tanti Episcopi, iniquiora tempora, & avaritia quorundam, qui collectam per Angliam in hunc usum pecuniam interverterunt, ut fama perhibet, inviderunt. Iam inde vero floruit Bathonia tum lanificio, tum convenarum frequentia, mœnibusque se communicavit, quibus antiquas quasdam imagines, Romanasque inscriptiones ad asserendam vetustatem inseruerunt, quæ ita jam lacunis præ vetustate laborant, ut vix legi possint. Et ne quid ad Bathoniæ dignitatem desisset, Comitum etiam titulo proceres nonnullos honoravit. *Philebertum* enim de *Chandev* è Britannia Armorica oriundum ab *Henrico VII* eo honore affectum legimus. Postea Rex *Henricus Octavus* *Ioannem Bourchier* Dominum *Fitz-VV* a-

Bathoniæ
Comites.

rin anno regni xxviii, Bathoniæ Comitem creavit, qui obiit anno regni ejusdem regis xxxi, cui successit *Ioannes* filius, qui obiit anno tertio Regiæ Elizabethæ. Qui *Ioannem* Dominum *Fitz-VV* arin suscepit, ante patrem defunctum, è quo natus est *Guilielmus* Bathoniæ Comes qui nunc floret, & bonis studiis nobilitatem suam illustrare contendit. Longitudinem hujus urbis xx Temporibus, lvi scrupulis, Latitudinem vero li Tempor. xxi scrupulis mensurant Geographi. Nunc pro corollario, habe si placet, qualescunque de his ex Bathonia *Nechami*, qui ante 400 annos floruit, versiculos,

*Bathoniæ thermas vix præfero Virgilianas,
Confecto profunt balnea nostra seni.
Profunt attritis, collis, invalidisque,
Et quorum morbis frigida causa subest.
Prævenit humanum stabilis natura laborem;
Servit natura legibus artis opus.
Igne suo succensa quibus data balnea fervent,
Aenea subter aquas vasa latere putant.
Errorem figmenta solent inducere passim.
Sed quid? sulphureum novimus esse locum.*

Ecce tibi etiam si legere lubeat, duas inscriptiones antiquas, nuperrime ad viam publicam sub urbem in campo de *VV* alcor effossas, quas in hortos suos *Robertus Chambers* antiquitatis studiosus admirator transtulit, unde descripti:

G. M V R R I V S . C . F . A R N I E N S I S .
F O R O . I V L I . M O D E S T V S . M I L .
L E G . I I . * A D . P . F . I V L I . S E C V N D .
A N . X X V . S T I P E N D .
* H . S . E .

* Adjutricis, Præ
Foelicitis.
* Hic tuus est.

D I S . M A N I B V S .
M . V A L E R I V S . M .
P O L . E A T I N V S . * C . E Q .
M I L E S . L E G . A V G . A N .
X X X . S T I P E N . X .
H . S . E .

* Cohortis
Equitum.

Vidi etiam has antiquitates mœnibus interius infixas inter portam borealem & occidentalem; *Herculem* sublata sinistra cum clava in dextra. In fragmento saxi literis magnis & pulchris,

* D E C . C O L O N I Æ * G L E V .
V I X I T A N . L X X X V I .

* Decurioni.
* Glevi,
id est
Glocestræ.

Inde folia implicata, *Herculem* duos angues stringentem, & in sepulchrali tabula inter duas imagunculas, quarum altera tenet cornu *Amalthæi*, deteriori caractere qui non facile legitur,

D . M .
S V C C . P E T R O N I Æ V I X I T
A N N . I I I I . * M . I I I I .
* D . X V . E P O .
M V L V S E T V I C T I S I R A N A
* F I L . K A R . F E C .

* Menses.

* Dies.
* Filia
Karissime
fecerunt.

Paulo inferius in saxi fragmento grandioribus literis.

V R N . I O P .

Inter portam Occidentalem, & Australem *Ophiuchum* serpente implicatum, duo humana capita crispis capillis intra loricam mœnium, leporem currentem, & huic adnexum in saxo literis transversis

V L I A . I L I A .

K k

Homi-